

1599 ab se designati auspiciis, qui imperatori totius exercitus pareret; in Italiam mittere teneretur: ipse vero Vaudemontius Reipublicæ tantum ex gente patricia legato obtemperaret: duodecim aureorum millium pensio attributa. Adversus quoscumque, licet suprema dignitate insigniti essent, arma pro Republica susciperet; per septennium Reipublicæ operam præstaret; duo postremi tamen in Senatus voluntate essent; mensis spatium ea omnia a fratre Barenfi Duce, Upontique Marchione, uti a Carolo patre factum fuerat, confirmarentur. Vaudemontio in reipublicæ militiam cooptato, Senatus prudentia a cunctis sublata laudibus, quod constantem in Reipublicæ dignitate ac libertate tuenda se patefecisset; quod neque sumptui neque labori parcendo, accitis undequaque copiis, pristinumque Italici nominis splendorem, reliquis veluti veterno correptis, mordicus retineret.

At eo non contenti Patres, adungere sibi Rhætos statuunt, ut e finitima regione, nullo impedimento, per Volturenæ vallem in Bergomates copiarum traduceretur. Quamvis enim ob amicitias ac clientelas, quas iis in locis haberet, nunquam interclusum in Venetos fines aditum iri, Vaudemontius sibi polliceretur; attamen majori vinculo gentem adstringere, ac de foedere, uti alias actum fuerat, agi satius arbitrabantur. Itaque, uno Antonio Caballio, consilii Sapiente, dissentiente, reliqui præconsultores, ut, de faciundo cum Rhætis foedere Senatus consultum fiat, proponunt. Re in utramque partem solerter expensa, de foedere cum Rhætis agendum, tribus tantummodo adversis suffragiis (quod perraro contingere solet) Senatus censuit. In Rhætos Alexander Aleardus, Bergomas eques, missus, cui multæ iis in locis clientelæ atque amicitiae erant, ut, primorum conciliatis animis, ad amplectendum cum Republica foedus suaderet. Ad Hieronymum Cornelium, Bergomi prætorem, datæ literæ, ut civium Bergomatum cum ea gente affinitatibus, eorumque, qui inter Rhætos in nomen Venetum propensi erant, amicitias negotium juvaret. Res initio feliciter adeo processerat, ut facile confici posse videretur. Verum a malevolis, Reipublicæque infensis hominibus detecta, vario officiorum genere certatum; ex quo primus ille plebis fervor ita elanguit, ut tandem re infecta Aleardus Bergomum rediret. Haud absimili eventu
apud